

四庫全書

子部

欽定四庫全書

六藝之一錄卷三百三十

錢唐倪濤撰

歷朝書譜

唐

衛包

唐衛包京兆人官至尚書郎史無其傳獨見於書家
工八分小篆且通字學其作字點畫不妄發落筆必
左規右矩以倒薤篆書鵠鵠賦信由積學所致故為

書品所錄昔王羲之初學衛夫人小楷不能造微入妙其後見李斯曹喜篆蔡邕隸八分於是楷法高四海况其下羲之數十等者豈可捨其模倣而無師自正耶若衛包之書論其入法度之域則可謂其飄逸絕塵則未也今御府所藏薤葉篆書一鷦鷯賦宣和書譜寶泉述書賦評見前

衛包工八分小篆通字學兼象緯之術官至尚書郎

述書

賦注

唐世華山碑刻為古文者皆已所書

集古錄

華嶽碑

堂修飾記金天王廟靈異述天寶九載衛已撰并正

書

金石錄

李潮

杜甫李潮八分小篆歌云倉頡鳥跡既茫昧字體雙
化如浮雲陳倉石鼓又已訛大小二篆生八分秦有
李斯漢蔡邕中間作者寂不聞嶧山之碑野火焚棗
木傳刻肥失真苦縣光和尚骨立書貴瘦硬方通神

惜哉李蔡不復得吾甥李潮下筆親尚書韓擇木騎
曹蔡有鄰開元已來數八分潮也奄有二子成三人
況潮小篆逼秦相快劍長戟森相向八分一字直百
金蛟龍盤挐肉屈強吳郡張顛誇草書草書非古空
雄壯豈如吾甥不流宕丞相中郎丈人行巴東逢李
潮逾月求我歌我今衰老才力薄潮乎潮乎奈汝何

杜工
部集

李潮惠義寺彌勒像碑

題跋已見

李潮彭元曜墓誌題跋已見

裴倣

裴倣字九思絳州聞喜人官左金吾將軍謚曰成宰

相

表世系

顏真卿問裴倣足下師敬長史有何所得曰亦嘗請

論筆法惟言倍加工學臨寫書法當自悟耳

顏真卿述張長

史筆法

韋玩

昔蔡邕而下各有師授逮於張旭其書分派蔡有鄰

法為篆顏清臣徐季海守舊法而真行盡合於古之

作者至韋玩崔邈授其法而絕矣

廣川書跋

韋玩師張旭

書史會要

崔邈

崔邈清河人邈論書云山川草木反覆於寸紙之間日

月星辰迴環於尺牘之上

書苑菁華

崔邈師張旭

書史會要

邈傳儲長文韓方明

盧攜臨池妙訣

儲長文

儲長文師崔邈

書史會要

儲長文書指論一卷

吳郁

吳郁兩當人為侍御史以言事被謫居家不仕與杜

子美交游

兩當縣志

玉真公主修功德頌吳郁行書

又書淨土堂碑

王岳

王岳開元中通事舍人

唐書藝文志

王岳美原夫子廟碑

題跋見前

李清

李清天寶中進士

唐詩紀事

李清善真行書

書史會要

鄔彤

鄔彤錢唐人金吾兵曹鄔亦劉氏之出與懷素為羣

從中表兄弟謂懷素曰草書古勢多矣惟太宗以獻之書如凌冬枯樹寒寂勁硬不置枝葉張旭又嘗私謂彤曰孤蓬自振驚沙坐飛余師而為書故得奇怪

凡草聖盡於此懷素不復應對但連叫數十聲曰得

之矣

陸羽懷素別傳

鄔彤書流便可喜孫莘老取其書置墨妙亭

墨池編

懷素師鄔彤授其筆法

書苑菁華

鄔彤工書師張旭

書史會要

金剛經尊勝經並鄔彤行

書

李造

李造隴西人武都公

述書賦注

竇泉述書賦評見前

李揆

李揆字端卿滎陽人開元末擢進士第肅宗時歷拜中書侍郎同中書門下平章事封姑臧縣伯揆美風儀善奏對帝歎曰卿門地人物文學皆當世第一故

時稱三絕

唐書本傳

揆善文章尤工書

書史會要

李侶

揆從弟

袁州刺史

見宰相世系表

李侶工於翰墨有名當

世書史
會要

蕭昕

蕭昕字中明河南人再中博學宏詞科肅宗時歷中書舍人禮部侍郎代宗時轉工部尚書封晉陵侯終太子少師謚曰懿汾陽王霍國夫人王氏碑蕭昕書

令狐彰

令狐彰字伯陽京兆富平人志膽沉果知書傳大義

肅宗時拜滑亳魏博節度使河朔平封霍國公檢校

尚書右僕射

唐書本傳

代宗送令狐彰赴河南詩序彰

自書

楊播

楊播鳳翔天興人舉進士退居求志玄宗召拜諫議

大夫棄官歸養肅宗時即家拜右散騎常侍號玄靖

先生

唐書本傳

大聖真身塔銘楊播行書

元載

元載字公輔鳳翔岐山人嗜學工屬文天寶初策入
高等肅宗時歷拜同中書門下平章事代宗立拜中
書侍郎許昌縣子謚曰荒

唐書
本傳

鳳翔佛頂尊勝陀

羅尼經元載書

張彪

杜甫寄張十二山人彪詩云靜者心多妙先生藝絕
倫草書何太苦詩興不無神曹植休前輩張芝更後
身數篇吟可老一字買堪貧

杜工
部集

陸羽

陸羽字鴻漸復州竟陵人或言有僧得水濱畜之既長其師教以旁行書答曰終鮮兄弟而絕後嗣得為孝乎師怒使牧牛羽以竹畫牛背為字上元初更隱苕溪自稱桑苎翁詔就拜太子文學徒太祝不就職

唐書

本傳

唐永定寺陸鴻漸書額

吳地記

唐王維畫孟浩然像有陸文學題記詞翰奇絕

宋張洎集

李華

李華字遐叔趙州贊皇人累中進士宏辭科上元中

擢吏部員外郎去官客隱山陽天下士大夫家傳墓

版及州縣碑頌時時齎金帛往請

唐書本傳

李華有截

搜二字訣

書苑菁華

姚南仲

姚南仲華州下邳人擢制科代宗時歷拜義成節度

使尚書右僕射謚曰貞

唐書本傳

魯仲瑜墓誌姚南仲

行書

張參

張參為國子司業始詳定五經書於論堂東西廂之

壁

劉賓客集

張參年老嘗手寫九經以為讀書不如寫書

李肇國史補

張參五經文字詳見前

李舟

李舟隴西人有文學俊辨高志氣以尚書郎出為刺史

史

柳宗元
河東集

題朝陽巖詩李舟撰并書

段季展

段季展代宗時人劉晏所與多天下名士季展益其徒也

禹廟碑為時人所珍其運筆流美亦足貴尚云

墨池編

李元賓墓銘段季展書

喬龜年

喬龜年善小篆養母至孝大歷中為人作大字獲錢

以供甘旨

書小史

張璪

張璪字文通吳郡人相國王縉奏檢校祠部員外郎

鹽鐵判官終忠州司馬

歷代名畫記

臧希讓碑復鄠縣

記並張璪八分書

韓滉

韓滉字太沖京兆長安人太子少師休之子貞元元

年歷檢校左僕射同中書門下平章事封晉國公贈

太傅謚曰忠肅滉書得張旭筆法嘗自言不能定筆

不可論書畫以非急務故自晦不傳於人

唐書本傳

泚工隸書章草

書史會要

壁書蕭字者梁侍中蕭子雲之所飛白也韓晉公領浙西之歲得於建鄴佛寺置之南徐官舍晉公翰墨代無等儔自獲壁書施榻於下耽玩研味略無已時

崔儁壁書飛

白蕭字記

陸贄

陸贄字敬輿蘇州嘉興人十八第進士中博學宏辭

德宗立為翰林學士貞元中歷拜中書侍郎同中書

門下平章事謚曰宣

唐書本傳

賀蘭夫人墓誌陸贄撰

并書

陸宣公書陸士衡文賦小字章草

珊瑚網

袁滋

袁滋字德深陳郡汝南人弱歲強學以外兄道州刺

史元結有重名往來依焉以處士薦授試校書郎貞

元中拜中書侍郎平章事會劉闢擁兵擅命為劍南

西川節度使連為荆襄二帥贈太子少保滋工篆籀

書雅有古法

舊唐書本傳

尚書省新修記袁滋篆額

軒轅鑄鼎原銘袁滋籀書

賈耽

賈耽字敦詩滄州南皮人天寶中舉明經貞元中歷

尚書右僕射同中書門下平章事封魏國公順宗立

進檢校司空左僕射謚曰元靖

唐書本傳

賈耽正書宗虞世南

書史會要

歸登

歸登字冲之吳人大歷七年舉孝廉高第貞元初復登賢良科歷遷工部尚書贈太子少保登有文學工

草隸

舊唐書

歸登書徑山禪師碑乃登騎省時書也字皆真行縱

橫變動筆意尤精

墨池編

百巖大師懷暉碑歸登篆

額宰相張延賞碑歸登八分書

鄭餘慶

鄭餘慶字居業鄭州滎陽人少善屬文擢進士第貞元中拜中書侍郎同中書門下平章事為鳳翔節度封滎陽郡公諡曰貞

唐書本傳

贈吏部尚書武就碑鄭

餘慶正書

餘慶書道熟可喜

墨池編

鄭綢

鄭綢字文明餘慶從父行也幼有奇志善屬文所交皆天下名士擢進士宏辭高第憲宗初歷拜中書侍

郎同中書門下平章事謚曰宣

唐書本傳

贈吏部尚書

崔忠公碑百巖禪師塔銘並鄭綱書

于頔

于頔字允元蔭補千牛貞元中封燕國公歷拜司空

同中書門下平章事謚曰厲

唐書本傳

秀州寶華寺碑

于頔書

齊抗

齊抗字遐舉義興人抗有文雅張鎰以宰相領鳳翔

奏署監察御史德宗時歷中書侍郎同中書門下平

章事謚曰成

唐書本傳

緱氏趙道光碑齊抗書

裴佖

裴佖字弘正耀卿子幼能文第進士補校書郎德宗

時歷吏部侍郎工部尚書謚曰貞

唐書本傳

佖工於翰

墨有名當世

書史會要

張延賞

張延賞嘉貞子博涉經史通吏治肅宗在鳳翔擢監

察御史累拜荆南劍南西川節度使德宗在奉天拜

中書侍郎同中書門下平章事贈太保謚曰成肅

唐書

本傳

張彥遠云曾祖魏國公少稟師訓妙合鐘張尺牘尤

為合作

法書要錄序

班宏

班宏衛州汲人天寶中擢進士第德宗時歷戶部尚

書封蕭國公

唐書本傳

澤潞李抱真德政碑班宏書

伊慎

伊慎字寡悔兗州人通春秋戰國策天官五行書用
善射補折衝都尉嗣曹王臯拔為大將封南兗郡王
貞元末為奉義節度使拜檢校右僕射兼右衛上將

軍謚曰壯繆

唐書

公以武藝通文理硯席楷隸師心自得

權德輿伊公神道碑

胡証

胡証字啟中河中河東人舉進士第渾瑊美其才奏

寘幕下更從襄陽于頔署掌書記寶歷初歷拜嶺南

節度使

唐書

魏侍中王粲石井闌記胡証書田弘正家廟胡証八

分書并篆

韋臯

韋臯字城武京兆萬年人始仕為建陵挽郎貞元初

歷劍南西川節度使謚曰忠武

唐書本傳

韋臯以文翰之美冠於一時南詔得其手筆刻石以

榮其國

雲笈
七籤

金銅普賢菩薩像記韋臯撰并行書

鄭雲逵

鄭雲逵滎陽人登進士第德宗時累擢諫議大夫元

和初為京兆尹

唐書
本傳

澄城令鄭君德政碑鄭雲逵

行書

于邵

于邵字相門京兆萬年人也天寶末第進士以書判

超絕補崇文校書郎德宗時歷遷諫議大夫知制誥

進禮部侍郎朝有大典必出其手終江州別駕

唐書本傳

馬燧新廟碑于邵書

吳通玄

吳通玄海州人博學善文章舉神童補秘書正字德宗立為翰林學士知制誥凡帝有譔述非通玄筆未嘗慊陸贄欲斥遠之建言承平時工藝書畫之冗皆待詔翰林而無學士至德以來命集賢學士入禁中草書詔因以名官今制書職分宜歸中書舍人請罷

學士帝不許貞元七年拜諫議大夫貶泉州司馬

唐書

本傳

吳通玄海州人官至起居舍人與弟通微皆以博學
文章稱於時善畫及書於行草尤長通玄舉神童補
祕書正字復擢文辭清麗科調同州司戶叅軍德宗
立與通微相繼召為翰林學士頃之遷中書舍人知
制誥通玄不獨以詞章照映士林而字畫固自不凡
至德宗每有譔述非得通玄筆卒不滿意其詞翰之

妙為時器重如此故當時名臣碑刻往往得其書則
誇以為榮至於文藁斷幅殘紙人爭傳之今御府所
藏行書三 魚朝恩神道碑藁上下 度人經

宣和書譜

吳通微

吳通微建中中歷充翰林學士知制誥與弟通玄同
職禁署人士榮之終中書舍人

舊唐書本傳

貞元中翰林學士吳通微嘗工行草然體近隸故院

中胥徒尤倣其書大行於世

張洎賈氏談錄

殷亮

殷亮陳郡人給事中杭州刺史

唐書本傳

於潛令丁明

府德政碑殷亮書

薛邕

文苑英華常袞有薛邕由禮部侍郎集賢殿學士授

吏部侍郎制 鉅鹿郡夫人魏氏墓誌薛邕八分書

齊皎

齊皎高陽人善小楷古篆建中四年官至澤州刺史

歷代名

畫記

陸長源

陸長源字泳吳人瞻於學始辟薛嵩幕府歷建信二

州刺史韓滉辟署兼御史中丞終宣武司馬

唐書本傳

長源善書

書史會要

貞元中陸長源為汝州刺史以殷仲容書流杯亭侍

宴詩絕代之寶乃為之造亭立碑自記其事於碑陰

歐陽文

忠公集

戴叔倫

戴叔倫字幼公潤州金壇人嗣曹王臯領湖南江西

表佐幕府德宗時終容管經略使

唐書本傳

戴容州臨川六詠筆畫疎瘦婉麗勁疾不在唐諸子

下然世不以能書名也

廣川書跋

韋渠牟

韋渠牟京兆萬年人少警悟工為詩李白異之浙西

韓滉表試校書郎貞元中累擢太常卿謚曰忠

唐書本傳

渠牟工書

書史會要

韋渠牟步虛詞正書

沈千運

沈千運吳興人所為文皆與時異故朋友後生稍見

師效

元結篋中集序

千運善八分

書史會要

顧况

顧况字逋翁蘇州人能為歌詩性詼諧人多狎之柳
渾輔政以秘書郎徵李泌繼入相自謂當得達官久
之方遷著作郎况心不樂求歸於吳及泌卒有調笑

言為憲司所劾貶饒州司戶

舊唐書本傳

吳邑顧況人品清逸能詩畫工真行書唐僧清畫送

顧處士詩云醉書在篋稱絕倫神畫開厨怕飛出

清河

書畫舫

蕭鄆

顧況蕭鄆草書歌云蕭子草書人不及洞庭葉落秋

風急上林花開春露濕花枝濛濛向水垂見君數行

之灑落石上之松松下鶴若把君書比仲將不知誰

在凌雲閣

顧況通
翁詩集

蕭鄆工草書

書史
會要

戎昱

戎昱不知何許人也建中間為虔州刺史作字有楷
法其用筆類段季展然筋骨太剛而殊乏婉媚故雅
德者避之嘗書其自作早梅詩云應緣近水花先發
疑是經春雪未消豈有得於此者宜其字特奇崛蓋
是挾勝氣以作之耳且古人作字或出於一手而優

劣相望者偶在一時之得意與否耳豈自寫其詩是亦其得意處故其筆力不得不如是之健然求其左規右矩則一出焉一入焉而不見其至者也今御府所藏正書一早梅詩

宣和書譜

徐凝

徐凝進士也亡其系喜作詩當時賦廬山瀑布泉者無慮千百輩而凝為詩韻頗為時輩所推許其卒章云今古長如白練飛一條界破青山色白居易以元

老詞客為時領袖亦作詩美之以為不可跂及自爾
凝聲名藉甚而後世想見其風采者獨得此一詩也
蓋其宗居易者其論如此而或者有惡詩之目以此
方之李杜之域則特為凡陋耳疑之字畫有行法固
當因時而見况其筆意自具儒家風範非規規於學
字者存而論之亦一種人物也今御府所藏行書二

黃鶴樓詩

荆巫夢思等詩

宣和
書譜

韓方明

韓方明著授筆要說云昔歲學書專求筆法貞元十五年授法於東海徐公璿十七年授法於清河崔公

邈

書苑
菁華

崔邈傳儲長文韓方明

臨池
妙訣

新開隱山記韓方明

八分書

林藻

貞元中杜黃裳知貢舉試珠還合浦賦進士林藻賦成憑几假寐夢人謂之曰君賦佳但未叙珠之去來

藻寤而足成之擢第謝恩杜公曰賦中四句叙珠去

來若有神助

閩中名士傳

林藻不知何許人也傳記莫詳行實作行書婉約豐妍處得智永筆法為多有唐三百年書者特盛雖至經生輩其落筆亦自可觀蓋唐人學書自太宗建弘文館為教養之地一時習尚為盛至後之學者隨其所得而各有成就如藻之於智永是也初永刻意學書於王羲之而頗得其妙而所乏者風神議者謂其

章草入妙隸書入能於是一字之出可直五萬其為當時所慕如此藻之步驟蓋出入智永之域者惜乎不能究永之學亦交一臂而失之也今御府所藏行

書一深慰帖

宣和書譜

林藻深慰帖

唐林藻書世不多見今觀此帖意韻近古字字圓熟甚可崇尚當寶之惜之勿忽延祐丁巳正月八日員

嶠真逸河東李侔敬書

書畫題跋記

唐林藻深慰帖曾入宣和御府今書譜中止存此帖
余獲收之愛其不經意中天真爛然誠可法也疇齋
張仲壽題於有何不可之堂時延祐戊午九月望日

同
上

古人能書皆善用筆故舉措皆有一種風致此卷世
不多見識者宜寶之也黃中敬觀

同
上

林藻書蹟世所罕見此帖遒勁濃纖間雜參錯如冠
冕珮玉之士慷慨論議於廟堂之上壁立萬仞而以

慈祥豈弟發之唐人中丁丁者也雜之魏晉書中未

易優劣嚴陵邵亨貞識

同上

宣和所藏唐林藻深慰帖即此卷也祐陵謂其書婉約豐妍得智永筆法當時博采止得此帖況後世乎

彥廉當慎寶諸汝陽袁華識

同上

唐自太宗置弘文館為教養之地故一時習書者隨所見聞能造其妙林藻蓋得智永之法而精者也此卷不經意書而婉約豐妍纖悉具備孫過庭云書時

有垂有合此蓋得其時之合也宜寶藏之句吳張適

識

同上

右林藻深慰帖藻字緯乾莆田人父披為華陽郡守
有子九人世所稱九牧林氏者也藻貞元七年進士
嘗試珠還合浦賦人謂之神助官至嶺南節度副使
有書名而傳世甚夥宋宣和書譜所載惟此而已今
唐帖如歐虞顏柳世所盛傳者皆不復多見況其餘
乎此帖僅一紙歷數十紀而不失可謂難矣貌翁其

永寶之李東陽志

右唐林藻深慰帖元人跋者五李個士弘河東人官侍讀學士謚章肅張仲壽希靜本內臣帶學士承旨邵亨貞復孺睦人寓華亭袁華子英崑山人國初郡學訓導張適子宜長洲人終宣課大使按諸跋謂此帖即宣和書譜所載今驗無祐陵印記惟有紹興二小璽似為思陵所藏蓋南渡後購收先朝書畫民間藏者或有內府印記即折裂以獻又當時多屬曹勛

龍大淵鑒定二人目力苦短往往剪去前人題語此帖或民間所獻或經曹龍之手皆未可知也又有柯九思陳彥廉名印柯字敬仲天台人官奎章鑒書博士此帖印記特多且有秘笈印蓋其所藏也而仲壽所題亦云嘗藏之彥廉名寶生泉州富商元末居太倉家有春草堂所蓄書畫極富袁張二人常主其家此跋又為陳氏題者則此帖經三氏收藏無疑後歸吳江史明古而吾師鮑菴先生得之故某數獲觀焉

今疏本末如此其詳則俟博雅君子

甫田集

唐林緯乾書學頗平原蕭散古淡無虞褚輩妍媚之

習五代時楊少師特近之

書畫眼

張敬玄

張敬玄貞元中處士著書則一卷

唐書藝文志

宣州東

城門頌張敬玄書

石洪

石洪字瀟川有至行舉明經隱居不出公卿數薦皆

不荅烏重肩鎮河陽具書幣邀辟後詔書召為昭應

尉集賢校理

唐書本傳

鍾山總悟上人林下集序石洪

文并書

李巽

李巽字令叔趙州贊皇人以明經舉拔萃順宗時累

擢兵部侍郎鹽鐵轉運副使終吏部侍郎

唐書本傳

巽長於吏事書法亦妙

書史會要

王伾

王伾者杭州人始以書待詔翰林入太子宮侍書順

宗立遷左散騎常侍待詔後貶開州司馬

唐書本傳

上學書於王伾頗有寵

順宗實錄

董審碑王伾書

陳諫

陳諫河中少尹貶台州司馬終循州刺史

唐書王伾傳

南海神廟碑陳諫書

裴度

裴度字中立河東聞喜人貞元初擢進士第舉賢良

方正異等元和中歷拜中書侍郎同中書門下平章

事勲進上柱國晉國公還東都拜中書令謚文忠

唐書

老子西昇經裴度跋為褚公書

米芾書史

韓愈

韓愈字退之昌黎人登進士第德宗時遷監察御史

元和初召為國子博士歷吏部侍郎轉國子祭酒謚

曰文

舊唐書本傳

送孟郊序一首生紙寫不加裝飾皆有楷字注字處

急於自解而謝不能埃更寫

韓昌黎集

韓退之題名二皆在洛陽其一在嵩山天封宮石柱上刻之其一在福先寺塔下當時所見墨蹟不知其

後何人模刻於石也

集古錄

白樂天

白居易字樂天太原人幼聰慧絕人襟懷宏放貞元中擢進士甲科居易文辭富豔尤精於詩筆文宗時歷太子少傅以刑部尚書致仕

舊唐書

白居易字樂天家韓城以刑部尚書致仕居易敏悟
絕人工為文章顧况一見其文不覺自失曰吾謂斯
文已絕今復見子矣擢進士拔萃入為翰林後貶江
州司馬然雖失志能順適所寓若忘形骸者會昌初
家東都履道里居第疏沼植木龍門構石樓香山鑿
八節灘自號醉吟先生或經月不茹葷又稱香山居
士與胡杲吉皎鄭據劉真盧真張渾狄兼謨盧貞皆
高年不仕燕集人慕之繪為九老圖居易文章精切

然最工詩長於諷諫得失名傳雞林初與元稹唱詠
故號元白復與劉禹錫齊名又號劉白始生七月能
指之無二字蓋以天稟觀其書豐年洛下兩帖與夫
雜詩筆勢翩翩大抵唐人作字無有不工者如居易
以文章名世至於字畫不失書家法度作行書妙處
與時名流相後先蓋胸中淵著流出筆下便過人數
等觀之者亦想見其風槩云今御府所藏行書五
豐年帖 洛下帖 生涯帖 劉郎中帖 送敏中

歸邠寧幕等詩

宣和書譜

樂天書不名世然按筆皆契繩矩時有進趣乃知唐

世書學之盛如此

東觀餘論

天竺寺詩序云余年十二先君自虔州歸為余言近

城山中天竺寺有樂天親書詩筆勢奇逸墨蹟如新

今四十七年矣余來訪之則詩已亡有刻石存耳

東坡

集

元稹春游一篇白樂天書之題云元相公春游錢思

公藏其真蹟穆父守越時摹刻於蓬萊閣下

容齋隨筆

香山寺八節灘詩白居易書

元稹

元稹字微之河南人八歲喪父母鄭夫人自授書教之書學九歲能屬文兩經擢第調判入等應制舉為第一稹年少有才名與太原白居易友善工為詩當時號元和體穆宗長慶中累拜平章事終武昌軍節

度使

舊唐書本傳

元稹字微之河南人也相穆宗贈尚書右僕射少孤授學於母十五以明經中第相繼應制科擢第一及典詞誥務在純厚時流慕之文體為之一變所長惟歌詩歆豔一時天下稱元和體其詩名與白居易相上下人目之為元白及其在越與詩人竇羣賡酬又稱蘭亭絕唱每一詞出往往播之樂府其楷字蓋自有風流醞藉俠才子之氣而動人眉睫也要之詩中有筆筆中有詩而心畫使之然耳今御府所藏正書

一寄蜀人詩

宣和書譜

元微之修桐柏宮碑

題跋已見

皇甫閱

盧攜云徐吏部傳之皇甫閱閱以柳宗元員外為入

室劉尚書禹錫為及門

臨池妙訣

柳宗元

柳宗元字子厚河東人少精敏絕倫為文章卓偉精
緻一時輩行推仰第進士博學宏辭科授校書郎員

元中為監察御史擢禮部員外郎貶永州司馬元和

十年徙柳州刺史南方為進士者走數千里從宗元

游經指授者為文辭皆有法世號柳柳州

唐書本傳

柳子厚善書當時重其書湖湘以南士人皆學之

趙璘

因話

錄

宗元嘗作筆精賦盡書法之妙

書史會要

柳宗元般舟和尚碑

彌陀和尚碑

題跋俱見前

柳宗直

柳宗直字正夫善操觚牘得師法甚備融液屈折奇

峭博麗知之者以為工作文辭淡泊尚古謨漢書文

章四十卷

柳宗元從父弟宗直殯志

宗直善書

房直溫

房直溫官至少卿善書

書史會要

柳宗元傳房少卿直

溫

臨池妙訣

劉埴

劉埴字秉中曹州南華人吏部郎中

宰相世系表

宗元授劉埴

鄭杓書法
流傳圖

劉禹錫

劉禹錫字夢得系出中山擢進士第登博學宏辭科
工文章官終太子賓客禹錫善詩白居易嘗推為詩

豪

唐書
本傳

禹錫答柳宗元詩云昔日慵工記姓名遠來辛苦寫
西京近來漸有臨池興為報元常欲抗行宗元疊後
詩云事業無成耻藝成南宮起草舊連名勸君火急

添功用趣取當時二妙聲

柳河東集

令狐公先廟碑宰

相崔羣碑俱劉禹錫正書

楊歸厚

楊歸厚扶風人右拾遺

宰相世系表

皇甫閔授楊歸厚

書法

流傳圖

沈傳師

沈傳師字子言蘄州人治春秋工書有楷法貞元

末舉進士復登制科授太子校書郎召入翰林為學

士穆宗時出為湖南觀察使寶曆中拜尚書右丞吏

部侍郎

唐書

傳師正行書皆至妙品

墨池編

岳麓山寺有四絕堂謂沈傳師裴休筆札宋之問杜

甫篇章

金石考

沈傳師書黃陵廟碑

羅池廟碑

題跋俱見前

沈傳師遊道林嶽麓寺詩

題跋已見前

沈傳師柳州井銘

題跋已見前

沈傳師出塞詩帖

沈傳師出塞詩鮮于伯機故物見雲煙過眼錄中按
海岳書評稱傳師遺蹟有龍遊虎踞之勢尤精題署

真實錄也

書畫
舫

武儒衡

武儒衡字延碩并州文水人論議勁正有風節官終

兵部侍郎

唐書
本傳

武登碑子儒衡撰并書

皇甫鑄

皇甫鏞涇州臨涇人貞元初第進士擢制科憲宗時

同中書門下平章事

唐書本傳

昭懿公主碑皇甫鏞書

張弘靖

張弘靖字元理延賞子雅厚信直以廕為河南參軍

元和中拜刑部尚書同中書門下平章事封高平縣

侯出為河東盧龍節度使遷太子少師

唐書本傳

魏博

田緒遺愛碑弘靖正書張彥遠云大父高平公幼學

元常自鎮蒲陝迹類子敬及處台司乃同逸少書體

三變為時所稱

書法要
錄序

張文規

張文規弘靖子裴度秉政引為右補闕累轉吏部員

外郎出為安州刺史終桂管觀察使

唐書

張彥遠云先君尚書少耽墨妙備盡楷模

法書要
錄序

李吉甫

李吉甫字弘憲趙人栖筠子元和中累擢中書侍郎

同中書門下平章事封贊皇侯進封趙國公出為淮

南節度使謚曰忠懿

唐書本傳

神女祠詩李吉甫撰并

正書

柳宗元謝李相公

吉甫

示手札啟云衡州刺史呂溫過

永州示相公手札垂露在手清風入懷

柳河東集

唐韋鷟十馬後有元和李丞相吉甫題字真佳蹟也

東觀餘論

李渤

李渤字濬之刻志於學與仲兄涉偕隱廬山更徙少

室元和初以右拾遺召不拜以著作郎召渤遂起歲

餘遷右補闕文宗時拜太子賓客

唐書本傳

辨石鍾山

記李渤撰并書

崔從

崔從字子又融魯孫少孤貧與兄能偕隱太原山中

擢進士第寶曆初檢校尚書左僕射淮南節度副大

使謚曰貞

唐書本傳

崔能神道碑能弟從書

孟簡

孟簡字幾道德州平昌人舉進士宏辭連中元和中

累遷御史中丞簡尤工詩

唐書本傳

梁庾肩吾經禹廟

詩孟簡行書

裴潏

裴潏河東聞喜人篤學善隸書以廕仕元和初累遷

左補闕穆宗時歷拜兵部侍郎謚曰敬

唐書本傳

裴潏河東聞喜人飽學問以廕補入官官至兵部尚

書謚曰敬好直言極諫蹇蹇有王臣節雖不用於時
而人嘉其忠喜梁昭明所集文選乃哀今昔辭章續
而號之大和通選頗契士論史復載其隸書為時推
右晚歲行草尤勝當是其耿耿流於毫端者故筆不
病而韻自高耳昔人以書傳於時未必以字得名蓋
或以忠義稱或以文章稱况身兼數器而字畫又佳
如潏者誠不可多得也今御府所藏行書一大司寇

帖

宣和
書譜

竇羣

竇羣字丹列京兆金城人父叔向有詩名羣兄弟皆擢進士第獨羣以處士客隱毘陵德宗擢為左拾遺

憲宗時累遷御史中丞出為湖南觀察使

唐書

四皓

舊隱圖畫文竇羣正書

竇羣

竇羣字友封羣弟雅裕有名於時平居與人言若不

出口號囁嚅翁元稹節度武昌奏羣自副卒

唐書

心

經實鞏正書

于敖

于敖字蹈中京兆高陵人擢進士第為校書郎累遷

戶部侍郎出為宣歙觀察使敖修謹家世用文學進

唐書
本傳

韋綬碑于敖書

劉伯芻

劉伯芻字素芝行修謹累遷刑部侍郎左散騎常侍

唐書
本傳

贈司空于賈碑劉伯芻八分書

劉寬夫

劉寬夫伯芻子官終濠州刺史

唐書本傳

相國崔羣先

廟碑劉寬夫書

蕭祐

蕭祐蘭陵人少孤貧耿介苦學自處士徵拜左拾遺

累遷諫議大夫出為桂管觀察使贈右散騎常侍祐

閑澹貞退善鼓琴賦詩書畫盡妙遊心林壑嘯咏終

日而名人高士多與之遊

舊唐書本傳

贈左僕射郭公

碑蕭祐正書

王仲舒

王仲舒字弘中并州祁人少有文稱貞元中賢良方

正高第拜左拾遺穆宗立為中書舍人終江西觀察

使謚曰成

唐書本傳

光福寺塔題名王仲舒書

權璩

權璩字大圭秦州畧陽人德興子元和初擢進士歷

為中書舍人終鄭州刺史 崔弘禮碑權璩書

王凝

王凝字成庶并州晉陽人舉明經進士累擢禮部侍

郎乾符中終宣歙池觀察使

唐書本傳

會善寺記王凝

撰并行書無量寺多寶塔記王凝正書

六藝之一錄卷三百三十

欽定四庫全書

子部

六藝之一錄卷三百三十一

詳校官中書_臣陸 湘

貢外郎_臣牛稔文覆勘

總校官檢討_臣何思鈞

校對官中書_臣陸 湘

謄錄監生_臣王 宮

欽定四庫全書

六藝之一錄卷三百三十一

錢唐倪濤撰

歷朝書譜

唐

李翱

李翱字習之中進士第元和初為國子博士史館修

撰終山南東道節度使謚曰文

唐書本傳

李翱書李干墓誌

題跋見前

張籍

張籍能為古體詩當代公卿裴度令狐楚才名如白居易元稹皆與之游而韓愈尤重之累授國子司業

水部郎中世謂之張水部云

舊唐書本傳

張籍字文昌和州烏江人以進士登科官至國子司業善書翰行草為最性狷直不容物是時韓愈以文衡輕重天下士而籍為愈客且薦於朝自爾名播人口一時賢人爭與之遊其作詩善樂府句法出諸客

右觀夫字畫凜然其典雅幹旋處當自與文章相表裏不必專以書得名也且後世欲見韓門弟子之風采者當於此求其髣髴今御府所藏行書一希深帖

宣和
書譜

題張籍墨蹟

張籍書世罕傳者予頃游歷陽見僧寺有收得其墨蹟與詩刻今覽此帖疑昔所見者唐人大率能書籍雖非以書名然其用筆皆有法尤可佳也丹陽蘇頌

子容題

蘇魏公集

王建

王建字仲和大歷十年進士歷官昭應縣丞太和中

為陝州司馬

郡齋讀書志

楊元誠家所藏有王建宮體小書宮詞一百二十首

極其宛轉妖麗令人罕能及

珊瑚網

賈島

賈島字浪仙范陽人初為浮屠名無本來東都韓愈

教其為文舉進士文宗時坐飛謗貶長江主簿會昌

中以普州司倉遷司戶叅軍

唐書本傳

島善攻筆法得

鍾張之奧

蘇絳賈公墓銘

賈島八分似韓擇木

書史會要

樊宗師

樊宗師字紹述河中人始為國子主簿元和三年擢

軍謀宏遠科歷諫議大夫宗師力學多通韓愈嘗薦

其材

唐書本傳

樊宗師絳守居園池記

題跋見前

李賀

李賀字長吉七歲能辭章為人纖瘦通眉長指爪能疾書每旦出騎弱馬從小奚奴背古錦囊遇所得書

投囊中及暮歸足成之為協律郎卒年二十七

唐書

李賀手筆精捷

金壺記

歐陽詹

歐陽詹字行周泉州晉江人舉進士為國子監四門

助教

唐書

歐陽詹馬寔墓誌

題跋見前

唐衢

唐衢穆宗時人應進士不第能為歌詩

舊唐書本傳

京

河新開水門記唐衢八分書

賀拔恕

韓愈科斗書後記云貞元中愈事董丞相幕府於汴

州識開封令服之者陽冰子授子以其家科斗孝經

漢衛宏官書兩部愈寶蓄之而不暇學後來京師識

歸公歸公好古書能通之因進其所有書元和來愈
思凡為文辭宜略識字因從歸公乞觀二部書得之
留月餘張籍令進士賀拔恕寫以留愈蓋得其十四

五而歸其書歸氏

昌黎集

房次卿

房次卿有大材不能俯仰順時年四十餘尚守京兆
興平尉然其友皆曰房氏有子也

韓愈房君墓誌

召伯祠

堂記房次卿書

吳丹

吳丹字真存以進士第入官歷正字終饒州刺史八
九歲弄筆硯時所出言輒類詩家篇章白氏長
慶集華
州新廳堂記吳丹撰并正書

李約

李約沂國公勉子兵部員外郎宗室世
系表

隴西李君約以至行雅操知名當時而風致之餘特

精楷隸

張弘靖
蕭齊記

王參元

王參元讀古人書為文章善小學

柳柳州集

參元工於翰墨有名當世

書史會要

陳岵

寶歷中少列陳岵進注維摩經得濠州刺史劉寬夫

與同列因對論之

舊唐書劉寬夫傳

襄陽郡王路公神道

碑陳岵篆額

羅讓

羅讓字景宣越州會稽人以文學蚤有譽舉進士賢良方正皆高第憲宗時歷散騎常侍拜江西觀察使

唐書本傳

襄州新學記羅讓行書

辛祕

辛祕隴西人貞元中擢明經第以判入等其學於禮

家尤洽憲宗時累遷河南尹進拜昭義軍節度使謚

曰肅

唐書

唐河南尹辛祕題名在香山寺

韓梓材

韓梓材字利用元稹觀察浙東幕府皆知名士梓材

其一也筆蹟希顏魯公沈傳師而加道麗

墨池編

禹

穴碑韓梓材書

羊士諤

羊士諤貞元元年進士第順宗時為宣歙巡官元和

初擢監察御史知制誥出為資州刺史

晁公武讀書志

羊士諤與韓梓材同在越州亦以文翰稱

墨池編

賀拔基

官至員外郎有書名

書史
會要

近代賀拔員外惠寇司馬章李中丞戎與房直溫皆

得名者

盧攜臨
池妙訣

白居易重修香山寺詩賀拔其書

李戎

元和長慶間先大夫退居中條時李忻州戎以草隸

著稱為計吏在蒲因輟所寶徐公浩真蹟一屏以為

既

司空圖
書屏記

王傳人

山人王傳又學為張旭書居故吳公子光劍池傍積
十年而功就至長安舍余家為余題故平盧節士文

沈亞之

下賢集

胡季良

胡季良不見于史冊惟工行草追慕古人而得其筆
意字體溫潤雖肥而有秀穎之氣運筆略無凝滯殆
非一朝一夕之功也揚雄有言精而精之熟在其中矣
故技有操舟若神運斤成風豈非積習之久而後臻

於妙耶觀季良讀元和文與夫大乘寺帖字皆行書
既精且熟想見其禿千兔之毫窮萬穀之皮而能至
是也今御府所藏十草書逸草障題然公山
房詩文賦帖說龍帖蔡環帖行書讀元
和文大乘寺詩孔山寺詩崑山寺詩陳智
帖宣和書譜國子司業辛璿碑胡季良篆額

柳公綽

柳公綽字寬小字起之京兆華原人舉賢良方正直

言極諫太和中累遷河東節度授兵部尚書謚曰元唐

書

公綽乃不俗於兄

海岳
名言

紫陽先生碑并碑陰記柳

公綽書

柳公綽武侯祠記

題跋已見

令狐楚

令狐楚字慤士宜州華原人生五歲能為辭章逮冠

貢進士及第其為文於牋奏制令尤善德宗聞其名

召為翰林學士穆宗即位進門下侍郎開成初歷山

南西道節度使謚曰文

唐書本傳

成紀王祭北嶽碣令

狐楚正書

竇易直

竇易直字宗玄京兆始平人擢明經長慶中歷戶部

侍郎同中書門下平章事封晉國公終鳳翔節度謚

曰恭

唐書本傳

左拾遺竇叔向碑竇易直正書

崔植

崔植字公修京兆長安人補弘文生博通經史長慶

初拜中書侍郎同中書門下平章事

唐書

馬先生廟

碑崔植正書

王璠

王璠字魯玉元和初舉進士宏辭皆中儀字峻整著

稱於時長慶末擢職方郎中李逢吉特厚璠驟拜御

史中丞歷戶部尚書封祁縣男

唐書

無憂王寺大聖

真身塔銘王璠書

王璠

王播字明別貞元中擢進士舉賢良方正異等長慶
初歷進中書侍郎同中書門下平章事太和初拜左
僕射封太原郡公謚曰敬唐鳳翔尹李晟為國修

寺碑王播書

盧傳禮

盧傳禮均州刺史

宰相世系表

令狐楚題郭尊師咒盧

傳禮書

景審

景審南陽人也工作詩留心翰墨長慶中以泥金正書黃庭經一軸追慕王羲之法字體獨秀潤而有典則又作詩以題其卷末云金粉為書重莫過黃庭舊許右軍多請看今日酬仁德何似當時為愛鵝大抵唐人類多工書然亦頗自珍惜如歐陽通初做父詢書後亦名世非狸毛為筆犀象為管未嘗輒書審於內景經必粉金而寫之蓋亦非率爾而作也今御府所藏正書一黃庭經

宣和書譜

牛僧孺

牛僧孺字思黯工屬文第進士元和初以賢良方正對策第一穆宗時累遷中書侍郎敬宗封奇章郡公

以兵部尚書平章事宣宗時終太子少師謚曰文簡

唐書

僧孺師法元常落落不俗

墨池編

韓愈谿堂詩牛僧

孺正書

裴素

裴素失其先系寶厯初登第善草書其筆意蓋規模

王氏義獻父子之學觀其空繪一帖可謂用意然力不甚勁而姿媚有餘顧未得古人落筆之妙與亞栖輩可以季孟其間也且義獻以字畫之妙出東晉曠然為千古翰墨之祖後之學者未論升堂入室而稍窺其藩籬已足以名世況素之字學殆已逼人是宜在所錄也今御府所藏草書一空繪帖

宣和書譜

李德裕

李德裕字文饒元和宰相吉甫子少力於學卓犖有

大志以蔭補校書郎太和中歷拜中書門下平章事

封贊皇縣伯武宗時拜太尉封衛國公德裕性孤峭

明辯有風采善為文章

唐書本傳

德裕於東都伊闕南

置平泉別墅清流翠篠樹石幽奇初未仕時講學其

中及從官藩服出將入相三十年不復重遊而題記

歌詩皆銘之於石今有花木記歌詩篇錄二石存焉

舊唐書

本傳

平泉草木記山居詩俱李德裕八分書

太尉李公會昌一品制集序云公重以多能推於小

學王子敬之隸法道媚皇休明之草勢沉著異時相

逼當代罕儔

李商隱樊南甲乙集

德裕祖述顏公毅然有法

墨池編

唐閻立本太宗步輦圖贊皇李衛公篆題其上

湯垕畫鑑

楊紹復

楊紹復號州弘農人進士擢第宏辭登科位終中書

舍人

舊唐書本傳

苻溪新亭記楊紹復正書

楊漢公

楊漢公字用乂號州弘農人始辟興元李絳府累遷

荆南節度使召為工部尚書宣宗時終宣武天平兩

節度使

唐書

王仲修收唐湖州刺史楊漢公書有鍾法與襄州羅

讓行書碑同

米芾書史

許康佐

許康佐貞元中舉進士宏辭歷中書舍人翰林侍講

學士為文宗寵禮終禮部尚書

唐書本傳

法順大師碑

許康佐書

舒元興

舒元興婺州東陽人元和中舉進士擢高第裴度表

掌典元書記文檄豪健一時推許太和中歷遷刑部

侍郎同中書門下平章事

唐書

承天軍裴晉公題名

舒元興楷書

盧弘宣

盧弘宣字子章元和中擢進士第開成中累拜劍南

東川節度使歷工部尚書祕書監以太子少傅致仕

唐書

本傳

李德裕作相日人有獻書帖德裕得之執翫頗愛其書盧弘宣時為度支郎中有善書名召至出所獲者書帖令觀之弘宣持帖久之不對德裕曰何如弘宣有恐悚狀曰是某頃年所臨小王帖太尉彌重之

盧氏

雜記

襄州文宣王廟記盧弘宣篆額

周墀

周墀字德升汝南人及進士第長史學屬辭高古文

宗雅重之武宗時以兵部侍郎進同中書門下平章

事終尚書右僕射

唐書本傳

周墀工小篆見稱一時字畫頗佳

書小史

段瓌

李商隱為濮陽公奏韓琮等四人充判官狀云段瓌

富有文辭精於草隸

樊南甲乙集

崔黯

崔黯字直卿衛州人開成初為監察御史擢員外郎

累遷諫議大夫

唐書
本傳

柳宗元報崔黯秀才書云今世因貴辭而矜書粉澤
以為工道密以為能凡人好辭攻書者皆病癖也吾
不幸早得二病學道以來日思鍼砭攻慰卒不能去
均之二病書字益下而子之意又益下則子之病又

益篤甚矣子癖於伎也

柳河
東集

崔元略

崔元略博州人第進士太和中官終義成節度使

唐書

本傳 侯仲莊碑崔元略正書

劉三復

劉三復潤州句容人聰敏絕人幼善屬文長慶中李
德裕拜浙西觀察使三復以所業文詣郡干謁德裕
倒屣迎之辟為從事太和中為員外郎汝州刺史劉
禹錫以宗人遇之深重其才從德裕歷滑臺西蜀揚
州累遷御史中丞會昌中拜刑部侍郎弘文館學士

舊唐書

本傳

滑州節堂記劉三復八分書

唐玄度

唐玄度不知何許人也精於小學動不離規矩至於推原字畫使有指歸橫斜曲直偏傍上下必就楷則考其用意精深非特記姓名而已真可列於六藝施之後學得以模放故作九經字樣辨證謬誤又為十體曰古文曰大篆曰小篆曰八分曰飛白曰薤葉曰垂針曰垂露曰烏書曰連珠網羅古今繩墨蓋亦無

遺然責其疎放縱逸則非所長文宗時待詔翰林論
書最詳惜其出於法中而不能遺法以見意是以議
者譏其太膠云今御府所藏四篆書千文正

書論書十體書二

宣和
書譜

文宗開成二年太學立石壁九經上令翰林勒字官

唐玄度復校字體

唐書文
宗紀

玄度十體中作飛白書與散隸相近但增縹緲繁舉

之勢又全用楷法

東觀
餘論

唐玄度九經字樣

詳見前

唐玄度十體書

題跋見前

唐玄度李藏用碑

題跋見前

李紳

李紳字公垂潤州人為人短小精悍於詩最有名時

號短李元和初擢進士第武宗時歷拜中書侍郎同

中書門下平章事封趙郡公謚文肅

唐書

濠州四望

亭記李紳文并書

紳法華寺詩筆老字勁無媿前輩

墨池編

李公垂書樂毅論

李公垂短小精悍詩最有名時號短李其在翰林與
李德裕元稹同時又號三俊傳稱以文藝節操見用
余固嘗見石刻文字不知其小楷精到如此今世以
海字本為第一殘闕已多此卷比右軍所書甚小墨
蹟俱全尤為可珍詳視印事固不侔詞意亦卓然過

之

右攻
媿集

白敏中

白敏中字用晦居易從父弟也長慶初登進士第武
宗時累至同平章事兼刑部尚書宣宗初出為劍南
西川荆南節度使懿宗即位徵拜司徒門下侍郎平
章事復輔政終中書令太子太師

舊唐書

白居易碑

白敏中書

歸融

歸融字章之登子元和中和及進士第開成中歷遷兵

部尚書累封晉陵郡公

唐書

義成李德裕德政碑歸

融八分書

封教

封教字碩夫蓋州蔣人元和中進士第會昌中歷太

常卿尚書右僕射

唐書本傳

封教屬辭瞻敏而字亦美

麗

書史會要

盧簡求

盧簡求字子臧范陽人長慶元年登進士第會昌末

歷太原尹北都留守充河東節度觀察等使簡求辭
翰縱橫長於應變咸通初以太子太師致仕子汝弼
後為太原節度副使使府有龍泉亭簡求節制時手
書詩一章在亭之西壁汝弼每亭中讌集未嘗居賓
位西向俛首而已人士嘉之

舊唐書

延祚寺禪門大

德無積碑盧簡求書

杜牧

杜牧字牧之京兆萬年人善屬文第進士復舉賢良

方正會昌中累遷中書舍人牧於詩情致豪邁人號

為小杜以別杜甫云

唐書本傳

杜牧字牧之樊川人也善屬文第進士復舉賢良方正宰相李德裕素奇其才歷黃池等州刺史入為考功知制誥遷中書舍人牧剛正有奇節不為齷齪小謹敢論列大事指陳利病尤切時務於詩情致豪邁人號小杜以別杜甫其作阿房宮賦辭彩尤麗有詩人規諫之風至今學者稱之作行草氣格雄健與其

文章相表裏大抵書法至唐自歐虞柳薛振起衰陋
故一時詞人墨客落筆便有佳處况如杜牧等輩耶
今御府所藏行書一張好好帖

宣和
書譜

杜牧書張好好詩

杜牧之書張好好詩末有灑盡滿襟淚短歌聊一書
字漫不可摹樊川此書深得六朝人風韻余所見顏
柳以後若溫飛卿與牧之亦名家也其昌

珊瑚
網

李商隱

李商隱字義山懷州河內人開成二年擢進士第歷

太學博士終檢校工部員外郎

唐書

李商隱字義山懷州河內人官至工部員外郎初擢進士第又中拔萃選王茂元出守河陽深愛其才辟於幕下妻之以女復佐令狐楚楚授以章奏之學遂得名一時當時工章奏者如溫庭筠之徒俱以是相夸號三十六體蓋其為文瑰邁奇古不可改及觀其四六藻草方其刻意致思排比聲律筆畫雖真亦本

非用意然字體妍媚意象飛動亦可尚也今御府所

藏二 正書 月賦 行書 四六本藁草

宣和書譜

宋賈似道家有李商隱正書月賦

悅生古跡記

溫庭筠

溫庭筠太原人本名岐字飛卿大中初應進士累年

不第徐商鎮襄陽署為巡官咸通中貶為方城尉再

遷隋縣尉卒庭筠著述頗多而詩賦韻格清拔文士

稱之

舊唐書

溫庭筠書湖陰曲

湖陰曲溫飛卿書似平原書而遒媚有態米元章從此入門昔年殷司馬之孫持至長安留於案上兩月余以溫庭筠溫字頗漫疑是王黃華書黃華亦名庭筠字跡近米家父子故耳川中黃昭素乃謂此必曾入梁內府梁諱溫家諱遂磨去意或有之

書畫
眼

薛逢

薛逢字陶臣蒲州河東人會昌初擢進士第持論鯁

切以謀略高自標顯歷給事中遷秘書監

唐書本傳

薛逢書法渾厚奇秀

書史會要

任疇

任疇會昌六年為太常博士

舊唐書禮儀志

任疇不知何許人也其步驟類歐陽詢得險勁嫵媚之妙大抵唐人多宗歐虞褚柳不知書法成於王羲獻父子散於百家家自為學各持一體語其大成則無有也故昔之為論者謂歐陽真行本出獻之及其

成就則別成一家於是風流則嚴於釋智永而潤色則寡於虞世南其優劣不能不與諸子相後先耳如疇者又得詢之一體而非詢之比其品第固自可見蓋以志其上者不可得而乃得其次也今御府所藏

行書一郎中帖

宣和書譜

張祜

張祜清河人樂高尚客淮南杜牧為刺史善其詩

晁公

武讀書志

池州左史洞述張祜書

盧匡

唐李綽云山北盧尚書匡有王內史借船帖寶惜有
年河東張公致書借之不得云只可就看不可借人
也

尚書
故實

會昌修文宣王廟記盧匡書

裴休

裴休字公美孟州濟源人擢進士第舉賢良方正異
等為監察御史大中六年進同中書平章事罷為宣
武軍節度使封河東縣子歷昭應河東鳳翔荆南四

節度贈太尉休能文章書楷道媚有體法

唐書

裴休字公美操守嚴正幼偕昆弟隱于家塾講經著書經年不出戶有饋鹿者諸生共薦之休不食曰蔬食猶不足今一啖肉後何以繼擢進士第舉賢良方正異等歷昭義河東鳳翔荆南四節度官止太尉宣宗嘗曰休真儒者然好浮屠居常不嗜酒肉講求其說演繹頗多嘗謂人之本心靈明廓徹廣大虛寂逐物迷已者不能達耳故其為人蘊藉進止雍容行不

瞰察然刻意翰墨真楷適媚作行書尤有體法嘗建
化成寺僧粉額以俟休題他日見之神色自若以袖
搵墨而為書之字勢奇絕見者嗟賞今御府所藏行

書一判䟽言狀

宣和
書譜

江西廬山多裴休題寺塔諸額皆真率可愛

米芾
書史

太山建化成寺休鎮太原寺僧粉額陳筆硯以俟休
休以衣袖搵墨書之極適健速歸妾侍見其濡渥休

曰吾適以代筆也

墨池
編

唐世書學甚盛皆不為釋典所用梁肅房融其書不

傳惟裴休深於內典兼臨池之能

畫禪室
隨筆

裴休圭峰禪師碑

題跋見前

司空輿

司空輿河中虞鄉人圖之父有風幹大中時終戶部

郎中

唐書

司空圖云先大夫以書受知於裴公休

司空圖
書屏記

柳仲郢

柳仲郢字諭蒙京兆華原人

公緯子

元和末及進士第

為校書郎宣宗初歷戶部吏部侍郎封河東縣男咸

通五年為天平節度使仲郢嘗手鈔六經司馬遷班固

范曄史皆一鈔魏晉及南北朝史再又類所鈔它書

凡三十篇號柳氏自備旁錄仙佛書甚衆皆楷小精

真無行字

唐書本傳

崔龜從

崔龜從字元吉博州人初舉進士後以賢良方正拔

萃三中其科拜右拾遺大中四年以中書侍郎同中

書門下平章事再歲罷為宣武節度使

唐書

崔龜從字元吉史不載其何許人相文宗官至宣武
軍節度使初以進士登第復以賢良方正拔萃三中
其科天下翕然以師匠尊之故當時片文遺帖往往
為世所寶想見儒宗氣味蓋不必專以書得名也今
宛陵行書帖乃其一耳大抵儒家者流雖使不善書
其點畫頓放處本自不惡况唐人類皆善書龜從又

其學者之規範也今御府所藏行書一 宛陵帖

宣和

書譜

魏謩

魏謩字申之魏州曲城人徵五世孫擢進士第宣宗

時同中書門下平章事大中十年領劍南西川節度

使召拜吏部尚書

唐書本傳

李弘澤碑魏謩書

令狐綯

令狐綯字子直楚子舉進士累擢左補闕大中初入

翰林為學士襲彭陽男進同中書門下平章事輔政

懿宗嗣位拜司空僖宗初終鳳翔節度使

唐書本傳

宋王禹偁云頃年收得令狐補闕毛詩音義其本乃

會昌三年所寫數行殘闕後人添之乃工部畢侍郎

所補也

王禹偁小畜集

令狐渙

令狐渙絢子登進士第位至中書舍人

舊唐書

周庾

信安昌寺碑令狐渙重書

令狐澄

令狐澄

絢之從姪

進士登第累辟使府

舊唐書

令狐楚登

白樓賦令狐澄書

李景讓

李景讓字後已并州文水人性方毅有守大中中歷

御史大夫拜西川節度使謚曰孝

唐書

李景讓字後已官至太子太保謚曰孝贈太尉愷之

孫也以蔭補入官性方毅敢言無忌憚寶厯初為右

拾遺淮南節度使王播以錢十萬市朝廷懽求領鹽
鐵景讓亟論不可由是士林高其操守其在朝廷上
雖凜然有不可犯之色而退食閉門則雍雍唯謹所
居東都樂和里人號樂和李公史以謂清德紀之也
觀其書亦稱所聞前人墨帖類非以書得名然世之
寶藏者特以其人耳況如景讓德望議論一世所宗
其行書又足以追配古人當時如沈傳師以書自名
而雅與景讓厚至為江西觀察而表以自副宜其所

學故自超妙是宜其翰墨所以有傳也今御府所藏

行書一再拜郎中帖

宣和書譜

許渾

許渾字用晦大中中歷睦州郢州二刺史

唐書藝文志

許渾不知何許人也少角為詩已能超出童稚及長秀發頗為流輩所推正書字雖非專門而灑落可愛想見其風度渾作詩似杜牧俊逸不及而美麗過之古今學詩者無不喜誦故渾之名益著而字畫亦因

之而並行也大中初守監察御史以疾告歸端居逸老
有詩集行于世今御府所藏正書二今體詩上下

宣和

書譜

李羣玉

李羣玉字文山澧州人裴休觀察湖南厚延致之及
為相以詩論薦授校書郎

唐書藝文志

羣玉詩筆妍麗

美華翰

晁公武讀書志

羣玉好吹笙善急就章喜食鶩東

歸盧肇送詩云妙吹應諧鳳工書定得鶩

唐詩紀事

鄭嶠

鄭嶠字賓先大中五年進士第有津陽門詩一卷

唐詩紀事

嶠長安人善八分

書史會要

畢誠

畢誠字存之黃門監構從孫通經史工辭章大和中

舉進士兼書判拔萃懿宗時以禮部尚書同中書門

下平章事終河中節度

唐書

邠州五夫人堂記畢誠

文并書

王鐸

王鐸字昭範宰相播昆弟子也會昌初擢進士第咸通後仕寔顯歷禮部尚書進同中書門下平章事拜

司徒封晉國公終義成節度使

唐書

白敏中碑王鐸

書

高駢

高駢字千里南平郡王崇文孫也家世禁衛頗修飾折節為文學昭宗時歷淮南節度副大使封渤海郡

王唐書

高駢書磻溪廟記

題跋見前

陸肱

陸肱大中九年登進士第咸通中自振武從事試

書判八等後牧南康郡

唐詩紀事

杜甫冬日謁玄元皇

帝廟詩陸肱書

丁飛舉

丁隱君名飛舉字翰之濟陽人讀老子莊周書善養

生能鼓琴居錢塘龍泓洞之左右綸巾布裘貌古而
意澹好古文樂聞歌詩時時書細字作文紀事皆有

楷法

陸龜蒙甫
里先生集

盧肇

盧肇字子發袁州人咸通中歙州刺史

唐書藝
文志

林蘊云蘊咸通末為州刑掾時廬陵盧肇罷南浦太
守歸宜春蘊竊慕小學因師於盧公子弟安期歲餘
盧公忽相謂曰子學吾書但求其力耳吾昔受教於

韓吏部其法曰撥鐙令將授子子勿妄傳推拖撚拽

是也

林蘊撥
鐙法序

盧肇以文翰知名海內而工於書札

書史
會要

定州文

宣王廟記盧肇撰并正書

盧安期

盧安期

僖宗
時人

林蘊師於盧公子弟安期

林蘊撥
鐙法序

林蘊

林蘊字復夢泉州莆田人蘊世通經西川節度使韋

臯辟推官累遷禮部員外郎出為邵州刺史

唐書

蘊師盧肇子弟安期後得肇授撥鐙法從此書日進

書史

會要

于僧翰

于僧翰河南人也工八分與貝冷該俱擅名江左冷

該學明皇書筆跡踈弱但得其點畫而已意氣格力

無取焉僧翰師韓擇木之體妍美叅用篆法故比冷

該為勝大抵人之學也有志於上而僅得於中有志

於中則下焉而已此僧翰所以區區之學所得僅及
擇木焉初王羲之初學衛夫人書徒費年月故知羲
之所造殆將凌轢而上矣則僧翰之於師資寧有是
哉議者以為僧翰字雖妍美而格律不高亦其八分
之學去古已遠使技窮於此亦不過如是而止耳今

御府所藏八分書二千文上下

宣和
書譜

僧翰以八分稱於咸通之際繩規甚備

墨池
編

于僧翰書尊勝經

題跋見前

貝冷該

貝冷該史亡世系以八分書名于江左一時推許蓋在唐室明皇以此道為諸儒倡當時臣子無不以此相高若冷該者固在步趨之末而評其書者謂雖效明皇而筆力踈弱惟知點畫而已觀其書蓬萊觀碑可以目擊而意曉矣雖然八分書最為近古士大夫類皆尚之韓愈詩云阿買不識字頗知書八分詩成使之寫亦足張吾軍謂阿買不識字猶知是書附大

儒間榮垂不朽況冷該知力學擇術是宜亦得名也

今御府所藏八分書一蓬萊觀碑

宣和書譜

于範

于範書險瘦自有體裁唐人書大抵有法而於文則
或未工末者勝也範書自序感戀增懷皆書詞所避
咸通間唐制不行於天下久矣後生不習典禮可以
增歎也梁制箋書有增懷語者不得答書答中彼此
感思差錯者州望須刺大中正處入清議終身不得

仕唐紅亭記立制凡稱感者徒二年其法至重梁制至唐雖未必盡用然陸贄所定行于貞元不應咸通間盡廢知當時唐之制度不能行于四方也

廣川書跋

盧知猷

盧知猷范陽人登進士第釋褐祕書省正字僖宗時歷遷太常卿戶部尚書昭宗在華下進位檢校司空知猷器度長厚文辭美麗尤工書落簡措翰人爭模

倣

舊唐書

知猷善書有楷法

唐書本傳

蕭邁

蕭邁字得聖咸通中擢進士第拜右拾遺安寓秀偉

氣孤峻乾符中拜同中書門下平章事封楚國公

唐書

本傳

蕭邁字得聖蘭陵人瑤之遠孫也瑤武德初帝委以

樞筦內外百務悉瑤關決或引升御榻呼曰蕭郎官

至左僕射邁咸通中進士第累遷司空封楚國公邁

負大節以王佐自任慕李德裕為人及當國風采峭
整天子器之始王鐸主貢舉而得邁後與邁並顯邁
善事之僖宗曰邁善事長大臣和予之幸也邁曰不
止以長乃鐸門生僖宗笑曰鐸選士朕選宰相卿無
負我自瑀逮邁凡八葉宰相名德相望與唐盛衰世
家之盛古未之有邁之字畫雖罕傳於世觀其景公
幽公二帖筆有廊廟之氣而足規矩學者未易到也
今御府所藏二 正書景公帖 行書幽公帖

宣和
書譜

劉崇龜

劉崇龜字子長滑州胙人擢進士第僖宗時終清海

軍節度使

唐書

昭覺寺碑劉崇龜正書

蕭俛

蕭俛字思謙華孫貞元中及進士第穆宗時授中書

侍郎同中書門下平章事終太子太傅既老家於洛

舍濟源墅自於山野優游窮年

唐書

蕭俛善草書

書史

會要

李虞

李紳族子文學知名隱居華陽自言不樂仕進時來

京師省紳盡以紳嘗所密話言李逢吉姦邪附會之

語告逢吉乃用虞為拾遺

舊唐書
李紳傳

李虞能精學書

著名當時

書史
會要

裴滉

平州人太原府參軍

見宰相
世系表

裴滉能精學書

書史
會要

楊敬之

楊敬之字茂孝號州弘農人擢進士第累遷郎中文

宗尚儒術以敬之為國子祭酒轉大理卿

唐書

敬之

工於翰墨

書史會要

楊泰

號州人駕部郎中

見宰相世系表

楊泰工於翰墨有名當

世

書史會要


王敬武

王敬武青州人中平中為平盧節度使黃雲林云

太醫丞樂君珍蓄唐人一帖云委曲付師範乃王敬

武與其子師範書

東觀
餘論



六藝之一錄卷三百三十一